



Salvtem Regis Avgvsti Et Potentissimi Friderici, Regis Borvssiae ... Regis  
Svmma Cvm Gloria Et Avctoritate Imperantis Ipso Regio Natali XXIV.  
Ianvarii Sollemnibvs Votis Caelo Commendabvnt Mvsae Regiomontanae :  
Ad Qvam Pietatis Testificationem Illvstrissimos Sacra Vice Borvssiam  
Regentes ... Civesqve Svos ... Invitant Rector, Cancellarivs, Director Et  
Senatvs Regiae Academiae Regiomontanae ; [P. P. Dom. II. post Epiphan.  
fest. A. R. S. MDCCLXXVII.]

Regiomonti


Werner, Jacob Friedrich

Num 2° 00171/05 (30)

[https://dhb.thulb.uni-jena.de/receive/ufb\\_cbu\\_00000320](https://dhb.thulb.uni-jena.de/receive/ufb_cbu_00000320)

urn:nbn:de:urmel-ab1134e3-8e17-4712-8eac-2684a3a29ed16-00000928-17

Lizenz: <https://creativecommons.org/licenses/by-sa/4.0/>



SALVTEM  
REGIS AVGVSTI ET POTENTISSIMI

ERICI,

BORVSSIAE.  
BRANDENBVRGICI,  
II ET PRINCIPIS ELECTORIS,  
SILESIAE DVCIS,  
REL. REL.

G I S  
ORIA ET AVCT ATE  
PERANTIS,

IO NALI

IANVARI  
MINIBVS VOTIS  
COMMENDABVNT  
GIOMONTAN

ATIS TESTIFICATIO  
ACRA VICE RVSSLAM  
FENTES,

MARIÆ PATRO  
QVE SV  
BITA ET HVMAN  
NVITANT

VS, DIRECTO SENATVS  
IAE REGIONO NAE.



Universitäts- und Forschungsbibliothek Erfurt/Gotha  
DFG-Projekt „Höfische Kulturen in Mitteleuropa“  
Signatur: Num 2° 00171/05 (30)

REGIOMONTI,  
TYPIS SACR. REG. MALEST. ET VNIVERS. TYPOGR. G. L. HARTVNGEL.

28-6 30

urn:nbn:de:urmel-ab1134e3-8e17-47  
12-8eac-2684a3a29ed16-00000928-17

SALVTEM  
 REGIS AVGVSTI ET POTENTISSIMI  
**FRIDERICI,**  
**REGIS BORVSSIAE,**  
 MARCHIONIS BRANDENBVRGICI,  
 S. R. I. ARCHI-CAMERARII ET PRINCIPIS ELECTORIS,  
 SVPRREMI SILESIAE DVCIS,  
 REL. REL. REL.  
**R E G I S**  
 SVMMA CVM GLORIA ET AVCTORITATE  
 IMPERANTIS,  
**IPSO REGIO NATALI**  
 XXIV. IANVARI  
 SOLLEMNIBVS VOTIS  
 CAELO COMMENDAVNT  
 MVSAE REGIOMONTANAE.  
 AD QVAM PIETATIS TESTIFICATIONEM  
**ILLVSTRISSIMOS SACRA VICE BORVSSLAM**  
**REGENTES,**  
 CETEROSQVE REI LITTERARIAE PATRONOS, FAVTORES,  
 CIVESQVE SVOS  
 REVERENTIA DEBITA ET HVMANITATE  
 INVITANT  
**RECTOR, CANCELLARIVS, DIRECTOR ET SENATVS**  
**REGIAE ACADEMIAE REGIOMONTANAE.**



**REGIOMONTI,**  
 TYPIS SACR. REG. MALEST. ET VNIVERS. TYPOGR. G. L. HARTVNGEL.

28-6-30

**T**raiani numos argenteos minores describere pergimus; in eaque, qua in numophylacio Academico conditi afferuntur, serie oculis conspiciendum se praeber, cuius altera facies capite Augusti laureato cum clavis togae super humeris, et nomine IMP TRAIANO AVG GER DAC P M TR P, altera figura humana, sellae insidente, galeata, sago induta, cuius pedes caligati scamno nituntur, dextra victoriam prae se ferente, et sinistra eleuata hastam puram tenente, continuatoque titulo COS V P P S P Q R OPTIMO PRINC signata est. Simulacrum in auersa virtutis Augustae et gloriae militaris Romanorum eadem auctae symbolum est. Numum hunc A. C. CV. percussum esse docet *Occo*, quo anno non modo Palma Syriae Praefes Arabes Bostranes in P. R. potestatem redegit, sed Augustus ipse etiam pontem supra Danubium exstruendum curauit, quo facilius Dacos vinceret. Sequenti numo eadem antica est, sed nomini, quod in superioris priori latere legitur, additum COS VI P P; postica exhibet imaginem feminae iuuenis, veste demissa, pellucidaque, et discincta, dextra herbam praeferentis, laeua laciniam vestimenti tollentis, summisque pedum articulis ambulantis, circum quam scriptum videtur, (S P) Q (R) OPTIMO PRINCIPI. Simulacrum hoc spei publicae typum esse, ex aliis numis discimus. Cum iam his temporibus, quibus Traianus Consul sextum vocabatur, bellum cum Parthis, acerrimis Romanorum hostibus, gereretur; credibile est, S. P. Q. R. vel hoc numo spem in virtute Augusti collocatam publice testatos esse. Duobus, qui hunc excipiunt, eadem aduersa facies, eademque in auersa inscriptio, quas priori illi gloriae militaris symbolo signato esse diximus: alterius in postica tropaeum est; in alterius latere posteriori mulier stolata, dextra ramum arboris turiferae, sinistra calamum odoratum tenens, cui struthio camelus adstat. Illum Daciae captae, hunc Arabiae adquisitae monumenta esse, numi docent, in quibus Traianus etiam COS, V. dicitur, vocesque DAC, CAP, et ARAB. ADQVIS, additae leguntur. Ramum illum et calamum Arabiae symbola esse, probarunt *Tristatus* in *Com. Hist. ad Impp.* Numos et *Spanhemius* in opere de usu et praestantia numismatum. Qui iam oculis sistitur, numi altera pars impressa est capite Traiani laureato et nomine IMP CAES NERVA TRAIAN AVG GERM, altera statua, Herculis basi insistente, cum leonis exuviis

circa

circa caput, humeros et brachium laeuum, qui dextra clauam, sinistra pomum Hesperidum tenet, et tituli continuatione P M TR P COS IIII P P. Domitiano statua Herculis cultu posita erat, qui tamen omnium Imperatorum ea comparatione indignissimus; blandiebatur pro more suo huic principis monstro *Martialis* Lib. IX. Epigr. 65. 66. 67. 104, et statuae illius occasione cum Alcide longe maiorem praedicabat. Tantum vero abfuerat, ut veram solidamque gloriam e bello Dacico reportasset, ut pacem a Decebalo largitione munerum insignium et diadematis Regii expectisset, eique pecuniae summam quotannis soluendam pollicitus esset. Meliori ideo iure Traianus, gloriae Romanae restitutor, Herculi comparari potuit, qui pertaesus legum pacis istius turpium, Dacos vicit et Regi alias honestioresque Imperio Ro. pacis condiciones praescripsit. Quam felicem contra Dacos expeditionem Traiani anno, quo Consulatum quartum gesserat, obrigisse, ex *Dionis Cassii* Lib. 68. discimus. Qui iam oculis subiicitur, numus adeo mutilatus et attritus est, ut in altero latere nominis circum caput Traiani laureatum scripti tantummodo fragmentum — — — IANO AVG GER — — — legi possit, in altero mulieris stolatae imaginem, in sinistro brachio, a quo vestimenti lacinia dependet, cornu copiae gerentis videamus, id vero, quod dextra habeat, litteraeque additae, visum fugiant. Melius asseruati sunt typi sequentis, cuius prior pars ornata est capite Traiani laureato cum paludamento in humeris et nomine — — (IMP) CAES NER TRAIAN OPTIM AVG GERM DAC, posterior imagine matronae decoro cultu, dextra caduceum, sinistra cornu copiae gestantis, et tituli continuatione, PARTHICO P M TR P COS VI P P S P Q R. Quam A. C. CXV, quo Traianus Parthos, hostes fortissimos, vicerat, et insigne Parthici cognomen meruerat, pro fortunatissimo a Pop. Ro. haberetur; numus hic eo tempore cusus felicitatis symbolo ornabatur. Tanti enim hos armorum Traiani ductu auspicoque successus Senatus fecit, ut victorem Parthorum, quotiescunque ipse vellet, cum pompa triumphali Romam ingredi posse, decerneret.

\* \* \*

Hactenus de monumentis, quibus Romani Optimi Principis sui imperium posteritatis memoriae commendare voluerunt. Admonet nos vero, quae appropinquat, Natalis Regii lux, officii pietatis erga *FRIDERICVM*,  
Regem

Regem Maximum. Contigit Traiano facundissimus Orator, quem Veneres dicendi et acumen ingenii quam maxime commendabant; impares vero se sentiunt felicissimi aetatis nostrae Poetae et Oratores *FRIDERICI* Magni laudibus stilo satis digno celebrandis. Quod vero in se suscipere non conantur Musarum alumni, negotium, Diuinam Tanti Regis indolem, Herculeosque labores laudandi, suum faciunt ipsi Supremi terrarum Domini, splendidissimo diademate insignes. De glorioso applausu, quem Nomen Regis nostri, verum seculi sui ornamentum, penes ipsos sibi aequales Summos Principes, meretur, dicturus Interpres pietatis Academicae, *IACOBVS FRIDERICVS WERNER*, Eloqv. et Histor. Prof. Ord. partes ad celebranda Regii Natalis sacra sibi datas agere constituit. Commendabit simul caelo vitam Regis tanta auctoritate pollentis, cuius salute salus populorum Borussia-Brandenburgicorum omnino continetur.

Illustrissimos Patriae Proceres, ceterosque litterarum Fautores, et Academiae nostrae Ciues, reuerentia debita et humanitate inuitamus, vt splendidissimam et exoptatam praesentiam suam Oratori nostro indulgeant, piisque suspiriis pro incolumitate Regis Incomparabilis, festiua illa luce, vota nuncupent.

P. P. Dom. II. post Epiphan. fest. A. R. S. clō 1800 cclxxvii.

